

影印
文淵閣

四庫全書

影印

文淵閣四庫全書

第五二五冊

北京出版集團公司
北京出版社

本册目次

浙江通志(七)

清

嵇曾筠等監修
沈翼機等編纂……………一

欽定四庫全書

史部
浙江通志卷二百十七

詳校官給事中臣戴璐

檢討臣德生覆勘

總校官編修臣倉聖脉

校對官中書臣石鴻緒

謄錄監生臣方汝觀

欽定四庫全書

浙江通志卷二百十七

祠祀

山川百神凡有功德於民者咸列秩祀所以合幽明達誠敬也

盛朝五禮修明而於崇德報功之典為尤重焉維浙東西嶽瀆之祀典禮有加徧於羣神有舉莫廢凡以為斯民求福免災而飭紀之道亦於是乎在志祠

欽定四庫全書

浙江通志
卷二百十七

祀

杭州府

錢塘縣

附郭

仁和縣

附郭

先農壇 在慶春門外東郊仁和縣臨江十一畝

國朝雍正四年八月欽奉

上諭國家以民為本民以食為天朕即位以來念切民依舉行耕藉之禮殫竭精誠為民祈穀於

上帝乃雍正二年三年稽田查產嘉禾有至一莖九穗者朕心亦以為偶然之事今據府尹劉於義進呈今歲稽田所產有一莖雙穗三穗以至八穗九穗皆碩大堅好異於常穀朕見之心甚慰悅特令宣示廷臣朕並非以此為祥瑞誇耀於衆也蓋實有見於天人感召之理捷於影響無纖毫之或爽朕以至誠肫懇之心每歲躬耕稽田以重農事即蒙

上帝降鑒查產嘉禾以昭休應似此八穗九穗之穀豈人

欽定四庫全書

浙江通志
卷一百十七

三

力之所能強為亦豈人君所能強之使有乎天人感應之理朕見之最真最切但恐此心不誠耳誠則未有不動者即如從前青海蠢動朕為邊陲憂慮虔禱於宮中不數旬而捷音即至疆宇寧謐又聞前歲夏間近畿雨澤稍愆朕在宮中默禱減膳修省虔誠叩懇不數日而甘霖大沛禾稼有秋此皆近年以來朕親行親驗之事至於去年夏秋之間時常陰雨而朕在宮中但覺雨水稍多不知其大為民患而李維鈞

並不將畿輔被潦實情具奏是以朕竟不聞知未嘗早為虔禱殫竭誠心以挽

天意而舒民困及蔡瑋署直隸總督事務詳細奏聞朕宵旰憂勤幾廢寢食於是戡漕發倉多方賑濟京城設廠各邑興工俾窮民皆得餬口是以地方雖被水災而小民不致流離失所朕撫綏憫惜之念實為迫切今歲二麥豐收禾黍暢茂此皆

上天俯鑒朕衷故加惠黎元而錫以盈寧之慶也蓋天生

欽定四庫全書

浙江通志
卷一百十七

三

民而立之君鑒觀在上人君一念敬謹政事無闕天必嘉之佑之一念放逸政事有乖天必儆之戒之此一定之理也況人君撫馭臣庶位處極尊所以賞罰之者獨有

上天耳是以朕每於水旱等事皆實心內省必係朕有過失

上天儆戒示譴也至於各省旱潦之事朕皆視同一體原無彼此之別惟是地方相隔路遠彼地偶有水旱有

司未必即行具報及至奏達朕前而緊急之時已過是以朕無從盡其誠心為之祈禱此其責全在本省督撫矣督撫受朕委任之重為朕養育萬民必視百姓之疾苦如痛癢之在己身一遇水旱饑饉必思所以致此之由或因本省之政事吏治有關即思速為改易之或因本地之人心風俗不端即思速為化導之兢兢業業修省祈禱竭盡誠心一如朕之朝乾夕惕斷無不可以挽回

欽定四庫全書

浙江通志
卷二百十七

四

天意者假若聞朕之政事稍有闕失亦即直言陳奏不必隱諱如此則官與民聯為一體臣與君又聯為一體太和翔洽實意交孚天聽雖高誠呼吸可通矣朕每歲躬耕藉田並非崇尚虛文以為觀美實是敬天勤民之至意禮曰天子為藉千畝諸侯百畝據此則耕藉之禮亦可通於臣下矣朕意欲令地方守土之官俱行耕藉之禮使之知稼穡之艱難悉農民之作苦量天時之晴雨察地利之肥磽如此則凡為官者皆

時存重農課稼之心則凡為農者亦斷無苟安怠惰

之習似與養民務本之道大有裨益着九卿詳議具

奏特諭欽此隨經九卿等議覆欽遵各省一體舉行

創建錢塘縣知縣秦炳仁和縣知縣劉漢儒奉文

共置藉田九畝八分又壇基地五畝九分零灌溉

蕩一畝八分零壇制於東郊潔淨之地田在壇前

壇中正祠五間左右翼七間後立寢室內供先農

炎帝神農氏之神先農厲山氏之神先農后稷氏

欽定四庫全書

浙江通志
卷二百十七

五

之神祭品祭器祭儀照先師之禮每歲二月亥日

督撫主耕從耕者二員一員進鞭一員進耒外置

田畯四人以兩人扶犁兩人牽牛主耕者左手秉

耒右手執鞭九推步行盡壠而止耕畢司道及府

廳州縣次第如式耕推亦俱盡壠而止藉田之左

右四旁則令耆老農夫終其畝焉反於寢室送神

灌鬯徹祭飲福其各府州縣俱以掌印官主祭主

耕統如前式

謹按通志各門每縣分載先叙城內次及城外如山川古蹟關梁寺觀之屬皆準此例惟祠祀一門因先農壇俱在城外最為鉅典應列諸祠之前而社稷山川諸壇凡附郭之縣皆不分設例雖畫一故錢塘仁和兩縣壇廟統附於府而外屬各縣仍行分列但不分城內城外志依時代為先後與諸門體例稍有不同以下各府倣此

社稷壇 成化杭州府志在錢塘門外西北祭以春

秋二仲上戊杭州府志明洪武三年杭州知府五

興福建於城北舊浙江通志附郭三縣不別置餘即縣如制

風雲雷雨山川壇 成化杭州府志在城西南包家

欽定四庫全書

浙江通志

山春秋二仲祭奉壇城隍神主共壇合祭舊浙江通志附

郭二縣不別置

郡厲壇 成化杭州府志在城北霍山坊內每歲春

清明日秋七月十五日冬十月一日奉城隍神以

主厲祭設無祀鬼神之位於壇下錢塘仁和以附

府不置縣厲仁和縣志其坊隅鄉都一體置立鄉厲

先師廟 詳見學校各府州縣同

崇聖祠 詳見學校各府州縣同

名宦祠 詳見學校各府州縣同

鄉賢祠 詳見學校各府州縣同

城隍廟 咸淳臨安志舊在鳳凰山據會要為永固

廟宋紹興九年移寶月山三十年勅封保順通惠

侯紹興三十年勅錢塘為郡尚矣雖城隍必有神主之說歲之豐凶時之水旱民之疾疫求焉而必應者哉朕今駐蹕於此視之不異畿甸重侯美號用疏不次之封其敬其承永安爾祀可特封保順通惠

成化杭州府志咸淳間加號曰輔正康濟

明德廣勝王明洪武三年正祀典詔各處府州縣

欽定四庫全書

浙江通志

城隍止稱某府州縣城隍之神錢塘縣志永樂中

始勅封浙江故按察使周新為城隍之神成化十

年後寢火布政使甯良重建弘治十六年御史夏

景和拓新重建楊孟瑛杭州府城隍廟記杭州為浙之名郡帶江襟海控吳扼楚方

蕝所臨為東南大都會重熙累洽安阜富蕃生聚百萬早作夜息開柙不驚矣所庇憑惟城隍弘

治癸亥春雨暘不時苗及田穀巡按御史夏公率屬吏持辭香謁城隍告馬仰見陳危門圯謂茲民

主怠惰勿恭何以邀福明神乃出贖金命孟瑛經度其事閱月功告成寫惟積上為城壁立而垣綠

居者屏倚積水為隍波回而川瀕居者墮依冥漠之中誰其尸之緬想其神受命上帝專職保民此

固百姓所宗有國者所秩祀也矧天目鳳舞吳山馬立萬松諸峯如虎踞海潮西湧長江東下西

湖千頃天涵日沃抗之城抗之隍視方城漢水形勝過之其神之威宜何如也神之威則廟之崇非

多也萬厯三十五年廟燬邑人金學曾請於制府

劉一焜倡捐重建杭州府知府姚之蘭實董其成張大猷為記

國朝康熙六年水師副將王虎重修易殿柱為石二十

一年按察使孟卜重建牌坊并新右司齋廳三十

六年翰林學士揆叙重新廟制又山麓別有府城

隍廟未詳創始

旗森廟 萬厯杭州府志在太平里普濟橋東廟制

中為神宇前為櫺星門外為大門去宇東數十步

為牲房庖湍又東南為箭亭宇西為火藥庫櫺星

門之外東西皆齋宿所錢塘縣志明洪武三年建

於都司廨後八年徙建今處歲以霜降日祀軍牙

六森之神

東嶽廟 錢塘縣志一在吳山磬如坊宋大觀中建

興忠觀淳祐間重建有理宗御書東嶽之殿四字

元李燬明嘉靖十一年重建一在中台八蟠嶺宋咸淳中建明萬厯間尋圯

國朝康熙中重葺一在西溪法華山塢口宋南渡初建

嘉定十七年樞使史彌遠請於朝重拓寶慶三年

落成至今為杭郡嶽廟之冠郎瑛重修法華山東嶽廟碑記泰山五嶽

之長也王者受命必告岱以祈永厯代封禪必登

記以報功是以天下皆奉而吾杭踐塘廟居三馬

一在邑中吳山一在城外八蟠嶺一在法華山法

華去城三十里人心趨向於此為最暮春三月傳

為誕辰民俗因以賽會絡繹道路者晝夜無休馬

或曰三廟獨盛於法華何也余曰昭靈貺也觀其

湧泉假夢載諸碑者詳矣自宋至今五百餘年而

廟貌益隆豈人力之所能哉今年三月余往謁廟

見一碑露日下召廟祝語之曰石久因風雨壞無

日矣曷蔽護之明日碑忽自碎衆兵驚駭或曰是

神意欲更新之也明日祀來告乞文彰之予憮然

於是述其顛末買石醵之為亭以護時嘉靖乙丑

廣靈廟 成化杭州府志在石塘壩宋景定四年九

月潮壞錢塘里人耆老因立東嶽溫太尉廟請於

朝賜廣靈為額咸淳五年封正佑侯餘自李將軍

以下九神皆錫侯爵李孚佑錢靈佑劉顯佑楊順

欽定四庫全書 浙江通志 卷二百十七 九

佑康安佑張廣佑岳協佑孟昭佑韋威佑

承天靈應廟 舊浙江通志在吳山城隍廟東西湖

游覽志舊為天地水府三官故俗稱三官廟宋乾

德三年建名玉虛觀端平三年重建賜今額有天

開圖畫閣清暉亭元末燬明洪武二十三年重建

梓潼帝君廟 一在吳山城隍廟之左嘉熙間蜀人

牟子才等請立廟元末燬明初重建

國朝康熙二十五年燬巡撫都御史金鉉復建一在孤

欽定四庫全書

浙江通志
卷一百一十七

十一

山四賢祠萬厯間南贛巡撫邑人洪瞻祖修後燬

國朝康熙間兩江總督范承勲浙江布政郎廷極重建

又貢院東有佑文祠俗稱文昌閣康熙庚午年巡

撫張鵬翮建觀橋西亦有文昌閣又雍正八年總

督臣李衛於紫陽書院山頂建文昌祠奉孤山舊

祠之像於此

太歲廟 舊浙江通志在吳山海會寺西錢塘縣志

宋紹興初建理宗書額曰至德之觀元至正間燬

行省丞相達實特穆爾重建元末又燬明天順六

年重建每歲迎春奉句芒神於此

火德廟 西湖游覽志宋南渡後建於吳山以奉熒

惑之神錢塘縣志明洪武中布政使王鈍永樂中

叅政易杲相繼重建

國朝康熙二十五年燬巡撫金鉉重建雍正六年總督

^臣李衛重建舊浙江通志又教場內有火神廟晁為

顯赫仁和縣志明嘉靖丙午建

欽定四庫全書

浙江通志
卷一百一十七

十一

水神廟 杭州府志在寶月山明萬厯間建廟中有

金龍泉

陳學易吳山水德廟記杭會城吳山巔燕南嚮相傳火形故數有鬱攸之災堪輿家

謂宜建水神廟於癸方居天吳以制之者民姚世明輩遂白於左方伯河東趙公參政吳郡劉公

地寶月山之北為畝者四甫築基忽地湧出泉極清澈蓋在高山之歟人已異之而復一鯉躍出人

更異焉遂名泉曰金龍廟面北倚高樓按神向西建宇祀龍君後數步而上即湧泉在馬翼亭以覆

之面南為門周圍綠以垣始作於萬厯戊戌四月落成於今年九月

龍神廟 在吳山大觀臺下

國朝雍正五年

上遣官賚送龍神像於浙

勅封福越滋農龍神巡撫臣李衛擇地創建并於廟後

建雨師風伯亭歲時祈禱必應有司崇祀惟謹

嘉澤廟 咸淳臨安志舊在錢塘門外二里號錢塘

湖龍君錢氏表請封廣潤龍王宋累封為淵靈溥

澤侯廟始梁太同中乾道五年周安撫淙以禱雨

應重建淳祐八年趙安撫與憲入建且亭其前之

井扁曰寒泉武林萬事即水仙祠有薦菊泉及亭

欽定四庫全書

浙江通志

十三

錢珍廣潤龍王廟碑錢塘湖者西臨靈隱東枕府

城澄千里之波瀾承諸山之源派固有神龍居止

水府司存降景祐於生靈興早潤之風雨原其自

編祀典積有歲年雖承奠酌之規未施展敬之所

予遂建立殿堂表奏乞加號號果蒙天澤並降嚴

章其所奉勅旨具錄於後勅錢塘重地會稽名邦

垂古今不朽之基繫生聚無疆之福有茲舊蹟特

冊新規豈曰神謀實因心匠錢錢普翁仁風久施

異政至誠所切遂致感通其錢塘湖龍王廟宜賜

號廣潤龍王牒至推勅旨蘇軾謝吳山水仙五龍

王廟記西湖湮塞積歲之患坐閱百史熟視而嘆

惟愚無知妄謂非難博於有神陰假其便不愆於

儀咸出幽贊大堤雲橫老葑席卷歷時未幾功已

過半祠事告終來哲所紹神卒贊之罔弗民願有

酒之報我

媿不腆

玉泉龍王廟 咸淳臨安志在淨空院嘉泰初賜廟

額曰靈泉嘉定初改仁惠嘉熙四年又改神運淳

祐八年重建廟封嘉應公後加曰溥澤詳見山川

黃龍祠 萬歷杭州府志在錢塘門外掃帚塢宋淳

祐間建以禱雨有應封靈濟侯賜祠額曰護國龍

祠明洪武七年即舊址建祠題今額徐一夔黃龍祠

在西湖北山之陰自其址斗折而山水泉紺寒深

不可測旱不縮而潦不盈有龍居焉故老相傳夏

欽定四庫全書

浙江通志

十三

神宋淳祐間無門洞禪師有行道行嘗說法龍興之

黃龍山而歸卓錫慈山之麓見洞中嘗現光怪禱

雨輒應或謂龍隨師至云時孟少保珙捐財建祠

理宗封龍為靈濟侯賜額護國龍祠至正末兵燹

大作龍蟄不見祠毀歲亦多歉寺僧祖吉屏居南

山石屋慨然欲振無門之風詣洞祝曰祖道弗墜

龍其來歸乎遂募緣興造洪武七年六月天久不

雨民皆憂惶郡守相率致禱三日得大雨遂具木

石屬通判王佐董其事即其故處作祠陳宇

龍井龍王祠 咸淳臨安志在風篁嶺上旁有德威

亭宋寧宗加封誥文昔我高宗十乘萬騎嘗登南

山之風篁嶺駐蹕龍泉酌泉於上一草一木咸

被昭回之光時維明神實見敬禮涓滴分派通海

決湖寸雲出岑潤吳澤越揆以祭式宜有寵懷而

封爵未加是為開典朕今以微侯美稱加寵於爾
神珠宮貝闕莫窮其源華衣輪臺其永有耀莫我
都邑振爾光靈可特封
嘉應靈潤普廣澤王

南高峯龍王祠 咸淳臨安志在榮國寺後鉢孟潭

累封為孚應昭順侯咸淳五年七月安撫潛說友
以久晴禱潭上覺微雨沾衣頃之甘澍如傾乃即
故址為創廟以答靈貺

白龍王廟 咸淳臨安志在臨平東山

黑龍王廟 咸淳臨安志在超山仁和縣東北六十

欽定四庫全書

浙江通志
卷二百十七

十四

里宋嘉定間趙忠獻公宰邑禱雨屢驗請於朝賜
通靈為額累封通靈惠應宣濟昭惠侯

白澤大王廟 杭州府志在純禮坊宋景德年間遣

中尉梁元帥專督漕運行至海中有猛獸號白澤

者出沒海中洪濤陡作運船幾覆忽見空中一人

乘龍馬揮鞭驅逐白澤趨服洪濤頓息糧運以全

因建祠祀之後奏請勅封土神

順濟聖妃廟 成化杭州府志在艮山門外艮山有

祠自商份感夢始開禧寶慶一再創建又有別祠

在候潮門外蕭公橋

丁伯桂艮山順濟聖妃廟記
神莆陽渭州林氏少女能言

人禍福歿廟祀之號通賢神女或曰龍女也莆臨
海有堆元祐丙寅夜現光氣環堆之人一夕同夢

曰我涓州神女也宜館我於是有祠曰聖堆宣和
壬寅給事路公允迪載書使高麗中流震風八舟

沉溺獨公所乘神降於檣遂獲安濟明年奏於朝
賜廟額曰順濟紹興丙子以郊典封靈惠夫人迨

并江口又有祠祠立二年海寇憑陵致靈空中風
旛而去州上其事加封昭應其年白湖章邵一夕

夢神指為祠處丞相陳公俊卿乃以地券奉神立
祠於是白湖又有祠時疫神降曰去湖丈許脉有

甘泉我為郡民續命於天飲斯泉者立痊掘泥坎
甘泉湧出請者絡繹朝飲夕愈覽為井號聖泉邵

欽定四庫全書

浙江通志
卷二百十七

十五

以聞加封崇福越十有九載福興都巡檢使姜特
立捕寇遙禱響應上其事加封善利淳熙甲辰民

舊葛侯郭禱之丁未早朱侯端學禱之庚戌夏早
趙侯彥勵禱之隨禱隨答累具狀聞於兩制易爵

以妃號惠靈慶元四年加助順之號嘉定元年加
顯衛十年加英烈神之祠不獨盛於莆閩廣江浙

淮甸皆祠也艮山之祠舊傳監
丞商公份尉崇德日感夢而建

國朝康熙十九年封天妃為護國庇民妙靈昭應弘仁

普濟天妃遣禮部司官致祭

天后宮 在武林門內城東北隅

國朝雍正九年總督臣李衛毀西洋天主堂改建李衛

主堂為天后宮碑記自明季萬厯間大西洋利瑪竇入中國造為天主之名而其教遂蔓延於愚夫愚婦之口其徒之入中國者遂大興土木營建居室於通都大邑之中我

聖祖仁皇帝以來

朝廷定鼎以來其人生長海外遠來就化雖為說不經燕皆具心恩知識未必不可教導居之京師使沐浴聖朝德化之盛久而懽然改悔歸以教其國中之人咸知天經地義之正此乾坤覆載之深恩不遺一物之義也宜知荒誕狂悖之見固結而不可解我

皇上御極之初洞燭其奸照其人皆歸南嶼不得盤踞內地而直省之所為天主堂者以次而改顧其制

皆崇隆巍煥非編戶之所可居空之又日就傾圮去荒誕狂悖之教而移以奉有功德於蒼生之明神不勞力而功成不煩費而事集此余今日改武

林天王堂為天后宮之舉也雖然自利瑪竇之入

欽定四庫全書

浙江通志卷一百一十七

十六

中國迄今幾二百年浸淫沉溺惑其教者未必一且謬然有悟即悟矣或以為不妨存而不論以見天地之大無所不有是其得罪於天而為害於人心風俗者卒未大白於天下也余既深知而不申其罪無以服附之心不誅其心無以破奸詭之膽夫教稱天主是風雲雷雨陰陽寒暑彼皆得而主持之也不知未有一天主之前將竟無有陰陽寒暑風雲雷雨乎抑別有天主之者俟天主出而授之柄乎此其謬一也入其教者必先將本人祖宗父母神牌送與燬棄以示歸教之誠不知天主生於空桑亦不得率天下之人而盡棄其水源木本之誼況入之所以敬天奉天者以天實能生人生物耳今以生我之父母祖宗而棄絕之不知尚何取於生人生物之天而敬之奉之此其謬二也棄絕父母祖宗者欲專其敬於天主也然聞西洋之俗亦

欽定四庫全書

浙江通志卷一百一十七

十七

有君臣有兄弟朋友且生而不絕則何不盡舉而廢之而所以事天主者尤專且篤而獨父母祖宗棄若敝屣此其謬三也西洋之教一技一能務窮思力索精其藝而後止設所得止及於半而死則舉而授之其子脫其子猶有未就則復舉而授之其孫或一傳或三四傳其藝始精則羣然推而奉之以為此可以行教之人矣今之入中國者悉此類也夫一技一能原無當於生人日用之重至於奇技淫巧尤為王法所不容今既不知有祖宗父母則為其祖宗父母者當亦不復以子孫視之獨至奇技淫巧之事父忍念其為子而不當棄棄之授子忍念其為父而不當堂構之承此其謬四也藝既精矣遂可出而設教行道矣夫既祖宗父母之盡棄其他漠不相識之人復何關欣戚而必窮數世之精力以利他人之用此其謬五也然此雖足為人心風俗之害而弊止及於惑其教之人其罪猶小若其居心之險則尤有大不可問者西洋去中國數千萬里而遙非經歲不得達又有大海風濤之險去故鄉離妻子跋涉而來以人情論必有所利而為之故攜帶土物造作器用其誑中國之金錢誠不可數計乃聞入其教者必有所資給人有定數歲有定額勞心焦思取中國之財而仍給之中國之人圖利者恐不若是之拙也或云每年紅毛船到必廣載其國中之金錢以濟其在中國行教之人或又云彼來中國者皆善黃白之行術以彼國之金錢而用之中國夫以此數人之行者非利也彼既以天主之教惑人而復借黃白之術以要結人心是其設心殆有在矣或又為之說曰彼其志欲行教耳好名之人能讓千乘之國何難去故鄉離妻子蹈不測之大海以博後世之名夫好名之人或有捨其身以徇人者然一人好名

何為盡一國之人亦皆好名而傾貲以佐之也且
絡繹而來其居天主堂者所在而有抑何好名者
之多也此蓋非無所為而為之者一見其技於噶
爾巴矣再見其技於呂宋矣又幾肆其技於日本
矣為行教計耶抑不為行教計耶且愚夫愚婦未
有不以禍福動其心者今日本於海口收港登陸
之處鑄銅為天主跪像抵其國者不臨天主像則
罪至不赦夫既為天主之主而受海外一國如此蹂
踐毀蔑卒亦無如之何其不能禍福人明矣所藉
者儀器而璫璣玉衡見之唐虞矣所重者日表而
指南車周公曾為之矣所奇者自鳴鐘銅壺滴漏
而漢時蚩有之矣所駭人者機巧而木牛流馬諸
葛武侯已行之鬼工之奇五代時亦有之至今尚
有流傳之者是其說不經其所製作亦中國之所
素有其為術又不能禍福人吾不知何為而人之
惑之也西洋人之居武林者

欽定四庫全書

浙江通志
卷二百十七

十八

聖祖

仁皇帝曾有白金二百兩之賜此不過念其遠來而
撫恤之彼遂建堂於此而願其額曰勅建夫曰勅

建必奉

特旨

建造今以曾受賜金遂冒竊勅建之名內外臣工

受白金之賜者多矣以之築室遂可稱賜第乎干
國憲而冒王章莫此為甚他復何可勝道耶荒誕

狂悖者宜去則有功德於人者宜增也天后之神姓
之名者宜毀則列在祀典者宜增也天后之神姓

聖相

傅海外諸國獻琛受朔者重譯而至魚鹽商賈出

入於鷺濤駭浪之中計日而出冠期而還如行江
河港汊之間而天后之神實司其職神之靈應呼

吸可通功德之及民何其盛哉誕罔不經者去而
崇德報功之典興毀其居室之違制者改為祠宇

撤其像望之詭秘者設以莊嚴夫而後武林之人
目不見天主之居耳不聞天主之名異端邪說久

且漸熄其有關於
風化豈淺鮮哉 雍正十一年八月禮部議覆福

建總督郝玉麟條奏各省城建天妃祠宇一例春

秋致祭奉

旨依議

五顯靈官廟 舊浙江通志在五雲山之巔山最高

神靈顯異相傳九月二十八日為神誕辰藝香者

滿山谷北高峯亦有五顯廟神亦最靈

東嘉忠靖王廟 旌德觀志王姓溫氏諱瓊字永清

欽定四庫全書

浙江通志
卷二百十七

十九

號子玉溫之平陽人初封地祇主令翊靈昭武將

軍正佑侯嗣封正福顯應威烈忠靖王則宋李之

累加也舊廟祀浙之溫郡其祀於錢塘則自宋寶

慶二年始時灾厲盛行有司迎王崇除患立已杭

人德王將導迎還郡舁夫百像弗為動遷人謂王

顧歆斯土府尹袁韶奏請於朝初立觀於杭之蘇

堤後徙建於城之東保安坊南良里額曰旌德昭

王仁也

國朝雍正八年重修總督臣李衛題梁

旌德先賢祠 舊浙江通志在錢塘保安坊祀唐許

由以下百九十九人每歲額支仁和縣學租銀五

兩致祭表貞祠在先賢祠右祀漢曹娥以下列女

九十七人每歲額支錢塘縣學租銀四兩致祭

謹按宋袁詔初祀三十四人明夏時正去其不當
祀者五人共二十九人唐許由漢嚴光吳凌統晉
范平褚陶孫若宋卜天與范叔孫褚伯玉顧歡杜
京產梁范元琰褚修唐褚無量許遠章成緬宋錢
俶即簡林通謝絳錢彥遠錢藻沈道陸詵錢懿虞
奕吳思禮崔貢張九成又增祀一十九人宋吳師

欽定四庫全書

浙江通志
卷一百一十七

三十一

仁勝茂實施德操楊由義李洮楊瑜余古李宗勉
俞烈趙汝談葉時洪咨夔朱清謝翱元吾衍楊載
陳斗龍鄒世開明王琦以上四十八人見萬歷志
萬歷三年又增祀唐褚遂良後梁錢鏐明于謙項
麒陳鏞夏時正孟春施魯褚銳李璣衡等十人萬
歷二十九年又增祀吳伍員唐顏真卿宋唐介李
綱岳飛明張翥鄒虞胡世寧陳荆獻江惟許應元
許貫之童漢臣張瀚翁相張椿陳善高儀江沂朱
璣錢立鍾化民等二十二人俱見馬三才宋應昌
碑記天啟四年李唐又請增祀宋徐應鑣明夏誠
高暉鄒幹江玘朱鏞吳誠洪鍾金洪江瀾丁養浩
李旻陳珂江曉許相卿陳克昌方九叙張來姚良
鴈吳源沈詔茅瓚陳洪濛楊周邵大章顧言孫本
凌立郭孝孫枝郭維垣朱印李逢春許三省嚴大
紀黃裳顧鈴宋應昌楊兆坊沈文許子良沈楠江
鐸陳禹謨馮夢禎凌登名陳洽沈瑞臨方可立顧

汝學凌登瀛陳植槐張鳴鶴許仲舉錢養廉陳植
棹姚文蔚黃克謙翁汝遇林遇春汪有功朱履嚴

子茂沈守正胡引嘉郭金科六十六人又徐子方
何琮陳學易張濂馬三才孔永祀崇祥林梓潘頤

龍黃應奎徐桐王化黃思道高從禮毛倬沈光祚
翁常廉十七人

國朝康熙十二年錢塘令梁允植詳請增祀名宦唐李
沈白居易駱賓王羅隱宋蘇軾朱弁王庶朱蹕明

王良鼎心湯顧咸建
國朝范承謨鄉賢唐陸贄宋趙抃宗澤王十朋陳禾呂

祖謙趙希瑄徐復元金履祥許謙明方孝孺鄭濂
鄭湜柴車魏驥夏時倪岳高輅王守仁孫燧王世

名陶大臨李唐黃汝亨李中華李中樞倪元璐施
邦曜凌義渠周鳳翔吳麟徵陳良謨吳甘來王道

焜陸培陳潛夫劉宗周祁彪佳王寅
國朝王佑賢五十二人俱見杭州府志又增祀姓名有

欽定四庫全書

浙江通志
卷一百一十七

三十一

府志未載者宋袁詔明潘翊許應亨諸允修諸賢
國朝張存仁王一麟周瞻此呂蘭顧懋獎顧景祚許昭
遠王法平王修玉謝重輪金世臣等十六人俱見
旌德觀志

宗聖曾子祠 錢塘縣志在通江橋河下其後裔曾

開因宋南遷危蹕至杭遂立祠奉祀

柳洲二賢祠 錢塘縣志在柳洲亭左舊名子貢使

越祠祀先賢端木子

國朝康熙二十六年巡撫金鉉督學周清原從先賢仲

子後裔之請以舊先賢仲子祠在弼教坊者廢合

祀於此遂改今名雍正九年杭州府知府秦炘重修

英衛公廟 咸淳臨安志忠清廟在吳山神伍氏名

員字子胥吳王夫差入越句踐使大夫種行成於

吳王許之子胥諫不聽賜之屬鏤以死吳人憐之

為立祠江上名曰胥山唐元和十年刺史盧元輔

修盧元輔胥山祠銘元和十年冬十月朝散大夫

使持節杭州諸軍事杭州刺史上柱國盧元輔

欽定四庫全書

浙江通志

卷一百一十七

事君罔有不舉寢廟既設我命厥新有周行人伍

公字子胥陪吳之職得死直言國人求忠者之屍

荷水星之舍將賊鷗革遂臨浙江千五百年廟貌

不改漢史遺曰胥山今云青山者謬也吁善父為

孝記曰父讐不與共戴天諫君為忠經曰諸侯有

諍臣不失國當阮於宋鄭絕楚出疆在平為未宦

臣在奮為既壯子坎壞仗節乞師於吳軍鼓丁寧

五戰至郢鞭羣走昭非逆施也夫差既王宰詬受

昭二十年內越祀又餽泰伯廟血將乾闥闔劍光

先失公入則諫馬雖言屢出口而車甲已困於齊

矣蟹稻已奪於歲矣屬蹙之賜竟及其身鰲夷威

為靈戈威才激浪百里渚塞不先跳擣胫肱再飯
之問絕其音聲蕩滌千里洪波底平有滑有膺有
鹹有腥遙實乎下庭山海梯航難林扶桑交臂於
茆階金狄在戶雷鼓在堂魏躡漢豆六代笙簧可
謂奉天爵之馨香獲神人之威禮佐皇震怒驅叱
大邪萬里永清人觀斗氣銘曰武王鉞紂子胥鞭
平為人為父十死一生矯矯伍員執弓挾矢仗其
實劍以謁吳子指首楚罪皆中紂理蒸報子妻戮
鉏直士赫赫王閭實聽奇謀錫之金鼓以號以誅
黃旗大舉右廣皆誅戮墓非緒瞻昭乃為後王嗣
立執書不泣顧越言潤宰轄纔輟步光欲飛姑蘇
待執吾則切諫抉眼不入投於河上自統波濤晝
夜兩至懷沙類騷洗滌南北蕩蕩東西夷蠻升服
罔敢不來雖非命祀不讓瀆濟帝帝王王代代明
明表我 景福二年封廣惠侯宋大中祥符五年海
忠哉

欽定四庫全書

浙江通志

卷一百一十七

潮大湓衝激州城詔本州每歲春秋醮祭賜忠清

廟額封英烈王九年馬亮知杭州禱祠下明日潮

殺入出橫沙數里隄岸乃成政和六年加封威顯

廟燬於建炎兵火興於紹興二十二年至三十年

加封忠壯乾道五年周安撫淙重修嘉定十七年

累封為忠武英烈威德顯聖王紹定四年再燬賜

緡錢重建嘉熙三年趙安撫與懽又易而新之杭

州府志俗名伍公廟元改封順祐忠孝威德顯聖

王明正統十四年重修萬厯八年重建維隱香山廟詩市蕭

聲咽跡崎嶇雪恥酬恩此大夫廟主兩亡時亦異不知魂魄更歸無玉馬仍忠清廟詩朝驅下越坂

夕照當吳門停車訪古蹟露霽林烟昏青山海上來勢若遊龍奔星臨斗牛城氣與東南吞九折排

怒濤吐吸天地根落日見海色長風捲浮雲山椒戴遺祠興廢今猶存殘香巾木客倒樹哀清猿我

來久沉抱重此英烈魂吁嗟屬鑣鋒冥爾國士冤峨峨姑蘇臺棟曉露繁深居麋鹿遊此事誰能

論因之毛髮豎葉落秋紛紛

國朝雍正三年

勅封英衛公其廟宇動正項錢糧修理每歲春秋二祭

欽定四庫全書

浙江通志卷一百十七

二十四

忠節祠 嘉靖浙江通志在寶月山下祀吳行人伍

員唐僕射褚遂良宋少保岳飛明太傅于謙歲以

八月十五日致祭

申將軍廟 成化杭州府志在臨平斗門橋北三十

步今廟有殘碑宋季人撰謂為申包胥鄉人於此

祈禱多應

謹按咸淳志云父老相傳將軍謂楚申明父白公亂楚王命明伐之白公殺其父後人為立祠二說

未知孰是

嘉濟廟 錢塘縣志一名江東廟在吳山祀秦贛人

石固宋累封王爵賜今廟額初在崇福里繼徙貢

水之東雷崗故又名江東明隆慶三年建

蕭鄴侯祠 西湖游覽志在弼教坊奉漢蕭何宋時

廟在汴京南渡後建廟於此

周絳侯廟 咸淳臨安志在臨平鎮晉建武元年侯

喬孫卓卜居臨平即其地祠侯宋建炎中金人犯

杭居人為柵環廟以守仰視旌旗蔽空書曰漢絳

欽定四庫全書

浙江通志卷一百十七

二十五

侯周勃皆羅拜而去自是靈異著聞有禱必應

顯忠廟 西湖游覽志在長生老人橋西奉漢大將

軍霍光俗稱霍使君廟葉森顯忠廟記抗之清湖開元宮西有廟曰顯忠土

人稱霍使君祠漢大將軍博陸侯也按舊志云吳孫皓時神降于庭自言漢霍光求立祠於金山之

鹹場以捍水患宋紹興初建行廟於錢塘之長生橋嘉泰紹定間兩有反風城火之應紀事傳信廟

碑具存元統初夏六月火焦土者萬有餘區民窘急望廟以呼颶風遂轉於是杭之士民聚金葺廟

以答明祝

蕭王廟 在斯如坊三菑候潮門內祀漢太傅蕭望

之

國朝雍正七年總督臣

李衛捐修題曰萬姓瞻仰

蔣祝闕內

侯蕭太傅贊乾坤正氣萃於蘭陵沈浸經義禮服一燈霍氏專政不阿守正遇主崇遷極諫廉隱出為守相化洽平原功高馮翊子惠元元輸粟贖辜壞法不小大言炎災氣應京兆和親非計攝服烏孫北藩客禮乘遠彌殷顧命欽承忠貞千古扶進犀英以道奄登賢傳孤立衆口鏖金弘恭石顯虺蜴為心貝錦中傷金吾迫促和藥自裁義不受辱鞠躬盡瘁歿為明神禦災捍患廟貌雖新遺像式瞻景行仰止敢申贊辭神其鑒此

兩浙名賢祠 萬厯杭州府志在西湖孤山之陽祀

欽定四庫全書

浙江通志
卷二百十七

二十一

漢嚴光唐陸贄宋林逋趙抃王十朋呂祖謙張九

成楊簡明宋濂王琦章懋陳選皆浙產也隆慶六

年巡按御史謝廷傑即陸宣公舊祠改祀而徙宣

公像於祠前之恩綸閣

陳洪濠兩浙名賢祠記自昔兩浙名賢以德以功與

春秋祀載在常典者亦畧備矣然皆各崇於鄉未

有包挾衆美攝其英標卓然俎豆於一堂者也隆

慶壬申侍御豫章虬峯謝公來按茲壤乃詳徵省

志尚論先哲於漢得一人焉曰嚴子陵於唐得一

人焉曰陸敬輿於宋得六人焉曰林君復曰趙聞

道曰王龜齡曰呂伯恭曰張子韶曰楊敬仲於我

明得四人焉曰宋景濂曰王文純曰章德懋曰陳

任賢爰即西湖之陽宣公舊祠增立凡筵等其世

次位之不以爵舉者示崇德也標其姓氏仍曰先生者示後學知所宗也祠有山田蕩若干有司領之歲時供祀不以煩民者欲其久也

諸葛明王廟 舊浙江通志在官園路神為武侯

關帝廟 錢塘縣志祀漢關壯繆侯宋崇寧元年進

封忠惠公大觀二年加封武安王南渡建炎淳熙

間復累加王號明萬厯十八年封三界伏魔大帝

杭城廟祀極盛一在孤山名照膽臺向貯玉簪一

文曰漢壽亭侯印一在跨虹橋北岳王墳左萬厯

欽定四庫全書

浙江通志
卷二百十七

二十一

十五年建一對錢塘門月城內萬厯二十六年建

清波候潮兩門月城內亦皆有廟一在吳山通元

觀一在布政司前一在城北隅一在佑聖觀內一

在靈應觀側一在義和坊相傳為神祖廟宋嘉定

間建一在千步廊一在萬安橋有東西二廟

國朝雍正三年四月

勅封關帝三代公爵曾祖光昭公祖裕昌公父成忠公

其禮儀俱照先師廟每歲春秋并五月十三日致